



錦繡萬花谷前集卷之三十六

饌食

十字蒸餅 晉何曾蒸餅上不作十字不食 本傳

九釘盤 唐御廚進饌用九釘盤

甘露羹 李林甫壻鄭平為省郎髮斑林甫曰上明日賜

甘露羹鄭郎食之能烏髮食之一夕髮如墜 明皇雜錄

炊金饌玉 駱賓王謂盛饌為炊金饌玉 拾遺

厨珍 山谷謝人酥筭云玉人憐我長蔬食走送厨珍自

不嘗

郎官鱠 江南人喜作鱠名郎官鱠因張翰思鱠得名 海

異名記

煖老玄鯽 山谷詩偶因煖老庖玄鯽公遣霜鱗貫柳來

鑿曰方看金作屑鱠盤已見雲成堆金屑以橙為鱠也

銀線玉簪湯餅一盃銀線亂萋蒿數筋玉簪橫山谷詩

金鑿玉鱠南人魚鱠以細縷金橙拌之號為金鑿玉鱠

隋時吳郡獻松江鱠煬帝曰所謂金鑿玉鱠東南佳味

也隋唐佳話又南部新書

馳蹄羹勸客馳蹄羹霜橙壓香橘杜詩

牛心炙晉王愷有牛名八百里王武子與射賭得趨左

右探心作炙一啖而去

熱洛河唐明皇命射生官射鹿取血煎鹿腸食之謂之

熱洛河盧氏雜記

寒具晉人飲食中有寒具者乃今環餅也桓玄嘗收書

畫聚心觀之客有食寒具者不濯手執書畫汚之自是

不設饑餽亦名寒具也雞跖集

五侯鯖漢婁君卿遊五侯之門每日五侯饋餉之君卿

乃合五侯所餉為鯖鯖與胫同音征蓋煎和之名太平廣記

驚着兩裙鵝增四脚僧謙光嘗云老僧無他願鵝增四

脚驚着兩裙足矣五代史補

脩瀧內則脩瀧以滑之注秦人漉曰脩齊人滑曰瀧脩

音思酒切瀧音髓漉所九切又內則棗栗飴蜜以甘之

脩瀧以滑之脂膏以傅之注謂調和飲食也

醍醐陶隱居云佛書稱乳成酪酪成酥酥成醍醐醍醐

乃酥酪之精液也

南京虜饌退之詩我來禦魑魅自宜味南京坡詩又客

厭虜饌枵然思南京

駝峯炙西陽雜俎云將軍曲良翰作駝峯炙甚美

腹腴魚腹下肥肉也禮記少儀云冬右腴夏右鰭注冬

氣在上腴腹下也夏氣在下鰭脊也

通印魚披綿雀風卷飛花自入惟一尊遙想破愁眉泥

深厭聽鷄頭滑酒淺欣賞牛尾狸通印子魚猶帶骨披

綿黃雀謾多脂殷勲送去煩纖手為我磨刀削玉肌

牛尾狸與徐君

糝正將軍梁韋琳滑稽作鮓表以刺時人詞曰臣鮓言

伏覩除書以臣為糝正將軍油蒸校尉臞州刺史臣聞

高沙老嫗非有意於綺羅白鮓女兒豈留心於珠翠常

恐鮓股之譏懼貽蟹巖之誚注高沙白鮓並江陵武南

地名其中多魚鮓與鱠同

盤遊飯谷薰羹江南人好作盤遊飯鮓脯膾炙無有不

埋在飯下里諺曰掘得窖子羅浮賴老取凡飲食雜烹

之類名谷薰羹味道士出一聯云投膠薰谷羹鍋內掘

窖遊盤飯椀中九池筆談

足以一笑爛蒸桐州羔灌以杏酪食以七不以筋南都

撥心麪作槐芽温淘糝以襄邑抹猪炊共成香稻薦蒸

鵝吳興厨人砭松江鱸魚鱠繼以康王谷水烹增坑闔

品茶焉鮮衣少卧使誦東坡赤壁賦足以一笑也志林

匹製狸狸刁約使契丹有詩云餞行三匹製密賜十貔

狸匹製以小大罌為之如黃漆狸狸形如鼠而大北狄

以為珍膳古今詩話

食將藥長漢食貨志詔曰鹽為食肴之將酒為百藥之

長

雲子漢武帝內傳王母謂帝曰太上之藥乃有玄光梨角風實雲子故杜詩飯抄雲子白

籠餅唐侯思止食籠餅必令縮葱如肉號縮葱侍郎籠

餅即今饅頭也 朝野僉載

湯餅唐人謂之餠飩今俗謂之餠餠晉束皙餅賦有饅

頭薄持起溲牢久之號惟饅頭今存而起溲牢久皆莫

曉為何物薄持荀氏謂之薄夜亦莫知其何物湯餅濕

麪 歸田錄 倦遊錄凡以麪為食煮之皆謂之湯餅 青箱雜記

饘 饘厚粥也 酏薄粥也

潘瀾 內則面垢燂潘請澣 潘米爛也 釋文燂詳廉切

潘芳煩切浙米汁也

脍鱠 內則云夏宜脍鱠脍其居切乾雉也 釋文雉蜡又

北方謂烏腊曰脍鱠求所切乾魚也

臠 音香牛臠也 **臠** 許云切羊臠也 **臠** 許堯切豕臠也 **臠**

內則三牲用臠音魚氣切前菜莢也

水梭花鑽雞菜 僧謂酒為般若湯魚為水梭花雞為鑽

雞菜人有為不義而文之以美名者與此何異 東坡志林

爛蒸葫蘆 唐盧懷慎為相清儉召客食曰爛蒸去毛莫

拗折項疑鵝鴨已而下粟米飯一器及盛葫蘆一枚 盧氏

雜錄

醒酒水 山谷詩水厨欲罄浮蛆瓮饅婦初供醒酒水山

谷自號水晶鱠為醒酒水

詩 姜侯設鱠當嚴冬昨日今日皆天風河凍求漁不易

得鑿冰恐侵河伯宮
饗人受魚鮫人手
洗魚磨刀魚眼
紅無聲細下飛
碎雪有骨已剝
紫春葱偏勸腹
腴愧年少軟炊
香飯綠老翁落
碁何曾白紙濕
放筋未覺金盤
空新懽便飽姜
侯德清觴異味
情屢極杜姜少府設鱸歌青青
高槐葉採掇付
中厨新麪來近
市汁滓宛相俱
入鼎資過熟加
殮愁欲無碧鮮
俱照筋香飯兼
苞蘆經齒冷如
雪勸人投北珠
願隨金騾裹走
置錦屠蘇萬里
露寒殿開水清
玉壺君王納涼
晚此味亦時須
杜槐葉冷海五日一見花猪肉十日一遇黃鷄粥土人頓頓食藟芋薦以重鼠燒蝙蝠舊聞密啣嘗嘔吐稍近蝦蟆綠習俗十年京國厭肥羜日日鮭花厭紅玉從來此腹負將軍今日固宜安脫粟人言天下無正味即且未肯賢麋鹿海康別

駕復何爲帽寬帶落驚童僕相看會作兩臞仙還鄉定

可騎黃鵠

閩子由瘦作此海康別駕子由也

枇杷已熟粲金珠桑落初

嘗灑玉蛆暫借垂蓮十分盞一澆空腹五車書青浮外

盃槐芽餅紅點水盤藿葉魚醉飽高眠真事業此生有

味在三餘○霏霏落雪看收麪隱隱疊鼓聞春糠散流

一啜雲子白炊裂十字瓊肌香豈惟牢九薦古味要使

真一流天漿詩成捧腹便絕倒書生說食真膏肓並東坡詩

菓木

龍眼荔枝廣雅曰益智龍眼也交州記龍眼樹高五六

丈似荔枝而小廣州記曰子似荔枝而圓七月熟荔枝樹高五六丈如桂樹實似鷄子甘而多汁以安石榴榴有甜酸者至日禺中翕然俱赤即可食和帝紀注

漢永元交州貢後永元中文州進荔枝龍眼十里一置
五里一堠奔騰蟲獸之害無數唐恙字伯游爲臨武長
上書言南州炎熱惡蟲猛獸觸犯死亡此二物升殿未
必延年益壽和帝勅大官勿復受獻後漢

海山仙人坡詩海山仙人絳羅襦紅紗中單白玉膚不
須更待妃子笑風骨自是傾城姝

絳衣仙子蔡君謨七月食荔枝詩絳衣仙子過中元別
葉空枝去不還

與荔枝同祖本草廣州別有龍眼似荔枝而小又坡云
廉州龍眼質味殊絕可敵荔枝詩云龍眼與荔枝異出

同父祖

謂龍眼爲奴海南人謂龍眼爲荔枝奴博物志

似江鱠柱東坡嘗謂荔枝厚味高格兩絕果中無比
江鱠柱河豚魚近之耳詩云似開江鱠斫玉柱更洗河
豚烹腹腴是也

日啖三百顆坡詩羅浮山下四時春盧橘楊梅次第新
日啖荔枝三百顆不辭長作嶺南人

側生野岸杜詩側生野岸及江浦不熟丹宮滃玉壺雲
擎布衣鮐背死勞人害馬翠眉須蜀都賦旁挺龍眼

側生荔枝翠眉指楊妃也

瀘戎青楓映憶過瀘戎摘荔枝青楓隱映日透迤京華
應見無顏色紅顆酸甜只自知蜀無荔枝唯瀘戎最

多

紅塵一騎唐楊貴妃嗜荔枝必欲生置之乃置騎傳走

數千里味未變之時至京師杜牧詩云一騎紅塵妃子笑無人知道荔枝來

十八娘蔡君謨荔枝譜荔枝有十八娘者其色深紅而細長閩中王氏有女好啖此品因而得名有乾紅荔枝以鹽浸佛桑花為紅漿投荔枝漬之曝乾紅色而甘甜有蜜荔枝剥生荔枝醉去其漿然後以蜜煮之

色變香變味變白樂天荔枝圖序云荔枝若離本根一日色變二日香變三日味變四日色香味盡去矣

二十四五年乃實荔枝至難長二十四五年乃實坡詩

云柳天着水萬浮萍荔枝實周天兩歲星

坡詩

羅公遠嗅橘明皇食柑凡千餘枚背缺一瓣問進柑使者云途嘗有道士嗅之蓋羅公遠也

太平廣記

羅浮種君家秋實羅浮種已作纍纍半佛墻莫遣兒童

酸打盡要看霜後十分黃

山谷詩

凝祥池京師會靈觀凝祥池最盛僕射坡在鄭州

世亦稱其貢芡歐公詩云凝祥池鎖會靈園僕射荒村安可比

于直方詩話

剖蚌鴻頭山谷詩剖蚌煮鴻頭

周禮注黃雞頭一名鴻頭退之聯句鴻頭刺芡

實是也

來禽青李法帖云來禽青李皆囊盛為佳勿函封東坡詩云青李扶疎禽自來賓護尚書言來禽以味甘來衆禽也

金衣素袖陳昭問蒲萄何如橘柚尉瑾曰金衣素袖見

作貢向齒自消良應不及

酉陽雜俎

象席玳筵 劉植瓜賦布象牙之席重玳瑁之筵憑彫玉

之几酌瑤玉之樽

職官分紀

賜羣臣漢明帝宴群臣以赤瑛盤盛櫻桃賜羣臣月下

視羣臣皆盧胡笑云是空盤也蓋桃與盤同色

藝文類聚

念慈母蓮實大如指分甘念母慈共房頭戢戢更深兄

弟思實中有么荷拳如小兒手

蓮詩

唐狄仁傑蒲萄願

歸母

綠浮瓜南史任方死梁武帝方食綠浮瓜投之於盤哭

之悲不自勝

奠杜如晦唐杜如晦死太宗食瓜思之因輟瓜奠之

本傳

湖目西陽雜俎謂蓮為湖目也

蒲鴿青老杜園人送瓜云江間雖炎瘴瓜熟亦不早傾

筐蒲鴿青滿眼顏色好沉浮甜冰玉愛惜如芝草又云

飯抄雲子白瓜嚼水日隰寒

橘弟淮南子云魏榆與橘柚合為兄弟言道能化同異

物也

食瓜皮元魏王羆性儉與客食瓜客削瓜皮厚羆意嫌

之引手取之食客甚愧

北史

鋤谷瓜秦始皇改古文為篆隸國人多謗秦患天下不

從召諸生至者皆拜為郎凡七百人密令冬月種瓜於

驪山鋤谷中溫處瓜實乃使人上書曰冬瓜有實有詔

博士諸生說之人人各異皆使往視之先為伏機諸生

方相論難發機從上填之以土皆終命

衛宏古今奇字序

詩南村諸楊北村盧白華青葉冬不枯垂楊綴紫煙雨

裏特與荔枝爲先駢海山仙人絳羅襦紅紗中單白玉
膚不須更待妃子笑風骨自是傾城姝不知天公有意
無遣此尤物生海隅雲山得伴松檜老霜雪自困楂梨
麤先生洗醖酌桂醕冰槃薦此頽虬珠似開江鯉斫玉
柱更洗河豚烹腹腴我生涉世本爲口一官久已輕尊
鱸人間何者非夢幻南來萬里真良圖東異哉西海濱
琪樹羅玄圃纍纍似桃李一一流膏乳坐疑星殞空又
恐珠還浦圖經未嘗說玉食遠莫數獨使皴皮生弄色
映琬俎蠻荒非汝辱幸免妃子汗。時新滿座聞名字
別義何曾記色香葉似楊梅蒸霧雨花如盧橘傲風霜
每憐萹菜下鹽豉肯與蒲萄壓酒漿回首驚塵卷飛雪
詩情真合與君嘗。代北寒螿擣韭萍竒苞零落似晨

星逢鹽久已成枯腊得蜜猶疑是薄刑欲就左慈求拄
杖便隨李白跨滄溟攀條與立新名字兒女稱呼恐不
經。柳花着水萬浮萍荔實周天兩歲星本自玉肌非
鵠浴至今丹殼似猩刑侍郎賦詠窮三峽妃子煙霞動
四溟莫遣詩人說功過且隨香草附騷經。丞相祠堂
下將軍大樹旁炎雲駢火實瑞露酌天漿爛紫垂先熟
高紅掛遠揚分甘徧鈴下也到黑衣郎並東坡芳華春漠
漠丹實夏煌煌深於紅躑躅大校白檳榔臙脂掌中穎
甘露舌頭漿樂天

蔬菜

庾郎三韭庾杲之食常有韭菹瀹韭生韭任昉戲之曰
誰謂庾郎貧食有二十七種謂二種韭也南史

李令公十八種李崇為尚書令富而多儉食常無肉正

有韭茹韭菹崇客李元祐謂人曰李令公一食十八種

人問故元祐曰二韭十八聞者大笑雞距集

彫胡黑米本草云菰又謂之茭白歲久中心生白臺謂

之菰米其臺中有黑者謂之茭鬱至後結實乃彫胡黑

米也

綠葵紫蓼早韭晚菘周顥獨處山舍王儉問曰卿山中

何食曰赤米白鹽綠葵紫蓼太子問菜何者勝顥曰春

初早韭秋末晚菘南史

雉尾蓴四月蓴生莖而未葉名為雉尾蓴五月蓴葉舒

長名絲蓴入七八月不中食有蝸蟲故也又至十月水

凍蟲死雖老猶可食雞距集

馬蹄唐詩晚菘細切肥牛肚新笋初嘗嫩馬蹄

土酥如練杜詩云長安冬菹酸且綠金城土酥淨如練

土酥即今之蘆菔也魏夫人帖云膾土酥如練老杜詩注

錦帶羹杜詩滑憶彫胡飯香聞錦帶羹荆渚間有錦

帶春末間開花紅如錦其苗嫩脆可食

銀包白銀作顆非琢成中有萬粟嚼輕水戎州夏畦少

蔬供感君來飯在家僧畦町收盡垂露實葉底猶藏

十二三待得銀包已成殼更當乞種過江南山谷

玉版東坡同山谷訪玉版師玉版謂笋也

芋魁翟方進奏罷鴻源陂郡中追怨童謡曰壞陂誰翟

子儀飯我豆食羹芋魁以芋根為魁本傳

鴨脚葵祿米麿牙稻園蔬鴨脚葵

銀笳黃詩君家水笳白銀色殊勝埧裏紫彭亨 埧音
必駕切蜀人謂平川曰埧

羊踏破菜園有人常食蔬茹忽食羊肉夢五臟神曰羊踏破菜園 啓顏錄

魚蟹

蟹胥周禮庖人注曰若青州之蟹胥按說文云胥蟹醢也

海鏡膏葉盤海鏡廣人呼爲膏葉盤兩片合成殼圓中
瑩滑內有紅蟹子海鏡飢則蟹出拾食蟹飽歸腹海鏡
亦飽迫之以火即蟹子走出立斃生剖之蟹子活逡巡
亦死 嶺表錄

赤玉盤溪邊石蟹小如錢喜見輪囷赤玉盤半殼含黃

宜點酒兩螯斫雪勸加殮 坡詩

石蝟蚌明越間四時常有蝟蚌重者踰數斤其小而黃
者謂之石蝟蚌肉硬 風物志

斫雪流膏坡云蝟蚌大蟹斫雪流膏

帶糟含酒東坡松醪賦云蛤半熟以含酒蟹微生而帶
糟

十足明越風物志蝟蚌並螯十足在海邊地泥穴中潮
退探之母蟹之臍團雄蟹之臍尖 坡注詩

霜前兩螯東坡老饕賦嘗項下之一齧嚼霜前之兩螯
招潮海物異名記云蟹之小者每遇潮頭來出穴舉螯
迎之名招潮子

蟹奴海上有蟹大如錢腹下又有十蟹附之名曰蟹奴

桂萱錄

水母海中有物渾然凝結如覆盆小者如椀腹下有物

如懸絮俗謂之足而無口眼廣州謂之水母閩人謂之

蛇蛇音癡嫁反常有數十蝦寄腹下啞食其涎以五辣

肉醋食之補煖嶺表錄

寒沙奔火怒目橫行與虎爭寒沙奔火禍胎成雖為天

上三辰次未免人間五鼎烹勃萃嬰跚任涉波黃泥

出沒尚橫戈也知殼鯨元無罪柰此尊前風味何形模

雖入婦女笑風味已解壯士顏寒蒲束縛十六輩已覺

酒興生江山山谷

墨魚烏賊魚又云墨魚所居放墨以藏身江東人取其

墨書契脫人財物書如淡墨踰年字消唯空紙耳

赤鯁唐律捕魚得鯉即放之號赤鯁公言鯉為李也西陽

雜俎

縮項宋張敬兒為刺史作六鱸缸獻齊高帝曰奉槎頭

縮項編魚一千六百頭古今詩話

細鱗爾雅云魴魴也今之編魚是也陸機疏云魴魚廣

而薄肥甜而少肉蓋細鱗之美者也杜詩魴魚鱖鱖色

勝銀是也

美味楚人云長腰粳米縮項編魚美味也

蟹筐禮記檀弓蠶有績而蟹有筐兄則死而子臯為之

裹

石切沙虹河祗脯雞跖云石切小解也沙虹蝦也河祗

脯乾魚也

鯨鯢鯨魚大者長千里小者數千丈五六月就岸生子
十八月從其子歸海鼓鬣成雷噴沫成雨雌者為鯢古

詩話

槎頭鱖襄陽耆舊傳峴山下漢水中出鱖魚肥美常禁
人採捕以槎斷木謂之槎頭鱖

神守鯉魚能變化飛越小湖養魚者置鱉數頭池中鯉
不能去謂之神守齊民要術

姬隅晉郝隆詩曰姬隅躍清池桓温問曰何物答曰蠻
謂魚曰姬隅温曰何得作蠻語隆曰千里從君惟得一

蠻府參軍安得不作蠻語世說

亥日魚白樂天詩寅年鱖下多逢虎亥日沙頭始賣魚
山谷漁父詩魚收亥日妻到市醉卧水痕如信風

策策堂堂庾氏穴池養魚以木為凭欄登之者其聲堂
堂每凭欄投餌魚必踴躍而出辛氏云他出不投餌但
聞策策堂堂之聲魚亦出是更氏之魚可名策策辛氏
之魚可名堂堂宋齊丘化書

不遺種越王謀吳七年越王謂范蠡曰今其蟹不遺種
可乎遂興兵伐吳

鱷魚王齊直知潮州釣得一鱷魚其大如舡畫以為圖
其形如鼉喙長半其身牙如鋸齒尾有三鈎極利遇鹿
豕即以尾戟之以食生郊甚多或為魚鼉其為鱷不過

一二嶺表物志

戮鱷魚陳堯佐文惠公謫官潮州惡溪有鱷魚食人公
命捕得鳴鼓于市以文告而戮之鱷患屏息神道

鯉魚圖陳文惠既戮鯉魚圖其形爲之贊鯉大者數丈或玄黃蒼白似龍而無角類蛇而有足睥目利齒如化山谷間爲鯉者十二三餘或爲鼉或爲鼉食人畜必以尾卷去如象之任鼻也渾水燕談

詩溪邊石蟹小如錢喜見輪囷赤玉盤半殼含黃宜點酒兩螯斫雪勸加殮蠻珍海錯聞名久怪雨醒風入座寒堪笑吳興饒太守一詩換得兩尖團打蠍蠅霜筠細破爲雙掩中有長魚如卧劍紫荇穿顛氣慘悽紅鱗照座光磨閃携來雖遠鬣尚動烹不待熟指先染坐客相看爲解顏香粳飽送如填塹早歲嘗爲荆渚客黃魚屢食沙頭店濱江易採不復珍盈尺輒棄無乃僭自從西征復何有欲致南烹嗟久欠遊鯈瑣細空自腥亂骨縱

橫動遭砭故人遠餽何以報客俎久空驚忽瞻東道無辭信使頻西隣幸有庖壘東坡漾陂魚綿州江水之東津

魴魚鰓鰓色勝銀漁人漾舟沉大網截江一擁數有鱗

衆魚常多盡却棄赤鯉騰出如有神潛龍無聲老蛟怒

回風颯颯吹沙塵養子左右揮霜刀鱠飛金盤白玉高

徐州秃尾不足憶漢陰槎頭遠遁逃魴魚肥美知第一

既飽驩娛亦蕭瑟君不見朝來割素鬢咫尺波濤求相

失杜蒼江漁子清晨集設網提網取魚急能者操舟疾

若風撐突波濤挺义入小魚脫漏不可紀半死半生猶

戢戢大魚傷損皆垂頭崛強泥沙有時立東津觀魚已

再來主人罷鱸還傾盃日暮蛟龍改窟穴山根鱸鮓隨

雲雷干戈兵革闕未止鳳凰麒麟安在哉吾徒胡爲縱

此樂暴殄天物聖所哀

杜觀打魚

錦繡萬花谷前集卷之三十一

錦繡萬花前集卷之三十七

鳳

九苞 一曰歸命二曰心合度三曰耳聰達四曰舌屈伸
五曰彩色光六曰冠短州州當巢色也七曰銳鉤八曰
音激揚九曰腹戶戶所田出入

鳳形 鳳雞冠燕喙龍胼鶴翼魚尾鴻前鱗後鶴頸鴛鴦

臆龜目而中注

韓詩外傳

長離 鴛鴦鴝雛 **離** 唐薛收與姪元敬德音齊名世稱河東

三鳳收為長離德音為鴛鴦元敬年最少為鴝雛 唐書

鶴

青田 永嘉青田有雙白鶴年年生子而去

登木 抱村子千歲之鶴能登木其未千歲者終不集樹

也純白脂盡成骨也

還丹使茅君傳或見一鶴飛入帳中鶴者九轉還丹之使也

丁令威遼東華表柱有鶴集其土曰有鳥有鳥丁令威去家千年今始歸城郭如故人民非何必學仙正累累神仙集

蝶

金玉錢唐穆宗禁中花開夜有蝴蝶數萬飛集花間宮人以羅巾撲之無有獲者上令張網空中得數百遲明視之皆庫中金玉錢也杜陽雜編

詩葉葉復翻翻斜枝對側門蘆花唯有白柳絮可能溫西子尋遺殿昭君覓故村年年芳物盡來別故園孫

長眉畫了綉簾開碧玉行收白玉臺為問翠釵釵上鳳不知香頸為誰回

摠禽

鳧翁史游急就章云春草雞翹鳧翁濯顏師古注云鳧翁頸上毛也山谷詩春谿蒲稗沒鳧翁

山雞照影博物志山雞有美毛自愛其色終日映水目眩則溺死王介甫詩云山雞照綠水自愛一何愚

鷓鴣子規楊雄傳注鷓鴣一名買鏡一名子規一名杜鷓常以立夏鳴則衆芳歇鷓亦音題鷓音决鏡音詭傳

李善注思玄賦引臨海異物志鷓鴣一名杜鷓又引服虔注鷓鴣一名鷓鴣伯勞也又離騷恐鷓鴣之先鳴兮

注鷓音第
鷓音桂

杜鵑非子規程續注坡詩或言杜鵑一名子規非也今春夏有鳥聲若云不如歸去者乃子規也

思歸樂白樂天詩山中不栖鳥夜半聲嚶嚶似道思歸樂行人掩淚聽陶嶽零陵摠記思歸樂狀如鳩而慘色三月則鳴其音云不如歸去王仲聞思歸樂詩云聲聲相勸教歸去莫學陶潛化作君

鷓鴣本草鈎其格磔皆鷓鴣聲也山谷詩注鷓鴣之聲若云行不得哥哥故詩云山雌之弟竹雞兄乍入鷓籠便且驚此鳥為公行不得報晴報雨摠同聲

四禽泥滑滑苦竹岡雨蕭蕭馬上郎馬蹄陵兢雨又急此鳥為君應斷腸○婆餅焦兒不食爾父向何之爾毋山頭化為石山頭化石可柰何遂作微禽啼不息○提

胡蘆沽美酒風為賓樹為友山花撩亂目前開勸你今朝千萬壽○不如歸去春山云莫萬木兮參天蜀天兮何處人言有翼可飛歸安用空啼向高樹梅聖俞

五禽土人云布穀為脫却破袴使君向蘄州更唱蘄州鬼我不識使君寧知使君死人生作鬼會不免使君已老知何晚王元之自黃州移蘄州聞帝鳥問其名或曰此名蘄州鬼南山昨夜雨西

溪不可渡溪邊布穀兒勸我脫布袴不辭脫袴溪水寒水邊照見催租瘢去年麥不熟挾彈規我肉今年麥上場處處有殘粟豐年無象何處尋聽取林間快活吟此

聲云麥飯熟即快活力作力作蠶絲一百箔瓏上麥頭昂林間桑子落願儂一箔千兩絲繅得蛹飼爾鷓鴣絲鳥聲一百箔姑惡姑惡姑不惡妾命薄君不見東海孝婦死作三年乾不

如廣漢龐姑去却還外惡水鳥也俗云婦姑虐死故其声云

春鉏爾雅鷺春鉏注行如春如鉏 桂萱錄有號碧繼翁者謂白鷺也

喚起催歸韓詩喚起窓全曙催歸日未西無心花裏鳥更與盡情啼山谷云催歸子規也喚起江南人謂之春喚聲圓轉如絡絲本集注又冷齋夜話

翡翠翠鳥形似燕翡赤而翠青 賈琮傳注

屬玉三輔黃圖云屬玉水鳥似鳩鵲長安有屬玉觀司馬相如傳駕鵝屬玉屬王似鷓而大長頸赤目其色紫間

秦吉了瀘南有畜秦吉了者亦能人言有夷首欲以錢五十萬買之其人告以貧將賣爾秦吉了曰我漢禽不願入夷中遂不食而死

黃栗留歐公攝事齋宮聞鶯詩四月田家麥穗稠桑枝生葦鳥啁啾鳳城綠樹知多少何處飛來黃栗留注麥熟時鳴者為黃栗留詩義

孤鸞舞鏡異苑賓國得一鸞三年不鳴夫人懸鏡照之覩影飛鳴一奮而絕言孤鸞見影謂是雌乃歌舞也

蜂為孔昇翁龍門寺庭多古桐有異蜂大如吟花間僧異之網一枚置籠中翌日大蜂尋至籠邊有曰孔昇翁為筮不祥頗記否又曰君已除死籍何懼又曰予與青

桐君奕勝獲琅玕紙君出為我寫星于詞僧密聽得畏乃放之匪陽雜俎

虎

斐旻射真虎唐斐旻善射北平多虎一日得虎三十一

休山下有老父曰此彪也稍北有真虎將軍遇之且敗
旻不信趨之有虎小而猛踞坡入吼旻馬辟易弓矢皆
墮自是不復射李白詩

龍

八十一鱗一三五爲九九者老陽之能變者也二四爲
六六者老陰之能變者也乾純陽故乾言用九坤純陰
故坤言用六龍八十一鱗九九之數也鯉三十六鱗六
六之數也龍能隱能顯不可制也故爲任天之能變者
鯉能神化飛越山湖故爲在地之能變者大抵得九六
之數者皆有變之理此天地自然之道學林

馬

穆王八駿王子年拾遺周穆王有八駿一絕足二翻羽

行越飛禽三奔霄夜行萬里四越影逐日而行五踰輝
光色炳耀六超光一形十影七騰霧乘雲而趨八挾翼
身有肉翅又穆天子傳云天子八駿赤驥黃驪白義蹄
輪山子渠黃驪騮騶耳又曰驪騮騶耳日馳三萬里
漢文帝九逸漢文帝有良馬九疋一浮雲二赤電三絕
群四逸驃五紫燕騮六綠螭七龍子八麟駒九絕塵
號九逸西京雜記

秦七名馬秦有七名馬追風白兔躡景追電飛翾銅雀
長鳧崔豹古今注

肅爽唐成公有兩肅爽馬楚子常欲之不與三年止之
唐人竊馬而獻子常唐公歸群臣請償之左傳

驚帆魯直有馬名驚帆古今注

照夜白唐明皇馬名杜詩曾見先帝照夜白龍池十日
飛霹靂

忽雷駮秦叔寶馬名酉陽雜俎

獅子驄隋文帝時大宛獻千里馬其驄曳地號曰獅子
朝野僉載

赤兔呂布有馬號赤兔時人歌曰人中有呂布馬中有
赤兔

的盧劉備有驥馬名曰的盧乘至檀溪墜水備急呼曰
蜀志

九花虬代宗時李德山貢馬名額高九尺毛拳如鱗身
被九花故號九花虬 伽藍記

三花駮世收韓幹畫馬多分其驥為三莫曉其意唯白

樂天詩鳳書裁五色馬驥剪三花唐學士類借飛龍
馬李伯時學畫不知三驥之意常難於下筆有得樂天
詩先誦而不言所出使伯時作數馬始以集示之然後
悟蔡寬夫詩話

玉道遙仁宗御馬名玉道遙色白乘之如輿輦圍人云
馬行步有尺渡疾徐皆中節御者行速則以足欄之一
日燕王借乘即長鳴不行王怒還之帝以配南城馬鋪
久之復御其行如初帝升遐從葬至陵下悲鳴不食而
死邵氏聞見錄

騾裏騾裏者神馬也赤喙黑身與飛兔同君有德則至
漢書音義

乘黃飛黃乘黃古之神馬亦名飛黃皆有角日行萬里

淮南子云天下有道飛黃伏皂龍翼馬身也

拳毛騮獅子花杜詩昔日太宗拳毛騮近時郭家獅子

花代宗以九花虬賜郭子儀又名獅子花詩注

天馬駉龍之媒前漢禮樂志天馬駉龍之媒元狩三年

馬生渥洼水中作天馬歌曰露赤汗沫流赭神異經大

宛馬蹄如汗腕可握日行千里至日中汗血乘者當以

綿絮纏頭李斐曰南陽新野有暴利長當武帝時遭刑

燉煌界數於此水旁見奇馬利長持勒絆於水後馬玩

習久之收得其馬獻之欲神異此馬云從水中出杜詩

駿尾蕭梢漢天馬歌曰尾蕭梢兮朔風起神異經大宛

有良馬鬣至膝尾委於地則尾之長者蕭梢然搖動可

起朔風

金盤陀杜詩星躔寶校金盤陀二顏延年赭白馬賦星

躔寶校鏤章霞布

錦鞍帕古樂府紫騮馬曲玉鞞綉纏陀一金鞍覆蒙錦

鞍帕也杜詩云青旭散蒙錦

血從前膊孔中出漢東平王蒼得賜宛馬一疋有血從

前膊上小孔中出所謂血馬蒼傳

自在將軍五代劉昫據太原與契丹約為父子契丹以

黃馬騮為聘後與周世宗戰高平敗獨乘黃騮以歸遂

與黃騮治廐食以三品料號自在將軍五代史

三山元稹望雲騅歌曰騰聳三山尾株直山谷詩馬瘦

三山葉擁門用官清馬骨高之意山谷詩注

回策如紫蟻封晉王湛王濟之叔宗族皆以為癡濟有

馬難乘濟問湛曰叔頗好騎否曰亦好之因騎此馬姿容既妙回策如縈善騎無以過之又濟所乘馬甚愛之湛曰此馬雖快然力薄不堪苦行近見督郵馬當勝但芻秣不至耳平路無以別任重方知之於是當蟻封內試之濟馬果躓而督郵馬如常濟益歎異白其父曰濟始得一叔本傳

求馬不知毛色牝牡秦穆公謂伯樂曰有使求馬者乎曰馬不在形容筋骨相也天下之馬若滅若沒臣之子皆下才可告以天下之馬臣有擔纏束薪者九方歎其於馬非臣之下也求馬三月而反曰得馬矣在沙丘牝而黃及馬至則牡而驪公謂伯樂曰子所求馬者毛色牝牡不知敗矣伯樂太息曰一至此乎歎之所觀者天

機也得其精而忘其相見其內而忘其外果千里馬也

子列

相馬馬援善別名馬云近世西河子輿亦明相法子輿傳儀長孺長孺傳丁君都君都傳楊子阿臣常師事子阿受相馬骨法謹依儀氏韉中音居奇切帛氏曰齒謝氏唇馨丁氏身中備此數家骨相以爲法注引相法云水火在鼻兩孔間上唇欲急而方口中欲紅而有光此馬千里頷下欲深肩欲緩牙欲前向去齒一寸則四百里牙劍封則千里目欲滿而澤肋欲長而縣薄欲厚而緩縣薄股也腹下欲平滿汗溝欲長腋欲開膝欲方蹄欲厚三寸堅如石本傳

碧雲霞梅聖俞著碧雲霞譏詆當時大臣其序曰碧雲

霞者廐馬也莊憲太后臨朝以賜荆王王惡其旋毛太后知之留以備上閑為御馬第一以其吻肉色碧如霞片故號云王性之以為魏秦偽託聖俞著此書鄒氏後

十二閑周禮夏官庾人掌十有二閑之政教以阜馬佚特教駢攻駒注二歲曰駒三歲曰駢教駢始乘習之也攻駒謂乘其蹄齧者閑之先牧先牧制閑者

十驥唐時東骨利幹國產良馬日中馳數百里太宗時來獻帝取其異者號十驥曰騰霜曰皎雪驄曰凝露驄曰縣光驄曰决波驄曰飛霞驄曰發雷赤曰流金馭曰翔麟紫曰奔紅赤回鶻傳

七十萬六千匹唐初得隋馬三千於赤岸澤徙之隴右用張萬歲領群牧自正觀至麟德四十年馬七十萬六

千匹八坊四十八監

四十三萬開元初以王毛仲領閑廐馬稍稍復始二十四萬至十三年乃至四十三萬秦漢以來唐馬最盛並出

兵志

詩吾聞天子之馬走千里今之畫圖無乃是何意態殊且傑駿尾蕭梢朔風起毛為綠縹兩耳黃眼有紫焰雙瞳方矯然龍性合變化卓立天骨森開張伊昔太僕張景順監牧攻駒閱清峻遂令大奴守天育別養驥子憐神俊當時四十萬匹馬張公歎其才盡下故獨寫真傳世人見之坐隅久更新年多物化空形影嗚呼健步無由聘如今豈無馭裏與驊騮時無王良伯樂死即休天育驃君不見左輔白沙白如水繚以周墻百餘里龍

媒昔是渥洼生汗血今稱獻於此苑中駉牝三千匹豐
草青青寒不死食之豪健西域無每歲攻駒寇邊鄙王
有虎臣司苑門入門天廐皆雲屯驕驕一骨獨當御春
秋二時歸至尊至尊內外馬盈億伏櫪在垆空大存逸
群絕足信殊傑個儻權竒難具論○豈知異物同精氣
雖未成龍亦有神沙苑行東郊瘦馬使我傷骨骼肆兀如
堵墻絆之欲動轉欹側此豈有意仍騰驤細看六印帶
官字衆道三軍遺路旁皮乾剝落雜泥滓毛暗蕭條連
雪霜去歲奔波逐餘寇驕驕不慣不得將士卒多騎內
廐馬惆悵恐是病乘黃當時歷塊誤一蹶委棄非汝能
周防見人慘澹若哀訴失主錯莫無晶光天寒遠放鴈
爲伴日暮不收烏啄瘡誰家且養願終惠更試明年春

草長

瘦馬行

鄧公馬癖人共知初得花駉大宛種夙昔傳

聞思一見牽來左右神皆竦雄姿逸態何峭崿顧影驕
嘶自矜寵隅目青熒夾鏡懸肉駿礮礮連錢動朝來久
試華軒下未覺千金滿高價赤汗微生白雪毛銀鞍却
覆香羅帕卿家舊賜公能取天廐真龍取其亞畫洗湏
騰涇渭深朝趨可刷幽并夜吾聞良驥老始成此馬數
年人更驚豈有四蹄疾於鳥不與八駿俱先鳴時俗造
次那得致雲霧晦冥方降精近聞下詔喧都邑肯使麒
麟地上行駉馬行安西都護胡青駉聲價歛然來向東此
馬臨陣久無敵與人一心成大功功成惠養隨所致飄
飄遠自流沙至雄姿未受伏櫪恩猛氣猶恩戰場利腕
促蹄高如踏鐵交河幾蹴曾水裂五花散作雲滿身萬

里方看汗流血長安壯兒不敢騎走過掣電傾城知青
絲絡頭爲君老何田却出橫門道橫門音光高丈人駿
馬名胡騶前年避胡過金牛回鞭却走見天子朝飲漢
水暮靈州自矜胡騶奇絕代乘出千人萬人愛一聞說
盡急難才轉益愁向駑駘輩頭上銳耳批秋竹脚下高
蹄削寒玉始知神龍別有種不比凡馬空多肉洛陽大
道時再清累日喜得俱東行鳳臆龍鬣未易識側身注
目長風生李鄴縣胡馬行胡馬大宛名鋒稜瘦骨成竹批雙耳
峻風入四蹄輕所向無空闊真堪託死生驍騰有如此
萬里可橫行胡馬

摠獸

扑握迷籬木蘭歌雄兔脚扑朔雌兔眼迷籬一本又作

扑握

狐有三德說文云狐有三德其色中和小前大後死正

丘首白虎通

兔無脾麀無膽古語云麀無膽兔無脾其說信然按字

說亦與白爲麀鹿見麀而成以此知其無膽脾屬土土

主信故詩以兔爰刺桓王之失信以此知其無脾東箱雜記

蟬有筐蟬有緩曲禮蠶則績而蟹有筐范則冠而蟬有

緩注范蜂也

駝知水脉無水之時人不知泉脉乘橐駝尋之過其停

不肯行以足躅地之處卽於躅處掘之得泉博物志

狐變爲巫狐五十歲能變化百歲爲美女爲神巫爲丈

夫與女子交接能知千里外事卽與天通爲天狐玄中記

狐變為獾獼猴壽八百歲變為猿猿壽五百歲變為獾
獾壽千歲抱朴子

依木而立犀之類不一生鬚管及交趾者角文如麻實
理燥少潤生大食者文如茱萸理潤光彩瑩徹甚類犬
鼻若傳以膏甚有花文尤異者曰通天犀或日月雲星
葩花山水神仙衣冠杖履宮殿魚龍飛走鱗毛全具或
以為犀愛一物玩之久則形入其角有通天花文者必
自顧其影則怖常飲濁水不欲見其角也海人取犀者
多於山麓植木如羊棧久則木朽犀前足短止則依木
而立朽棧折犀倒因格殺澗水燕談

孫供奉昭宗時有一美猴頗馴能隨班起居昭宗賜以
緋號孫供奉朱梁僭號令此猴隨班起居猴望見全志

徑趨跳躍奮擊遂被殺唐之群臣愧此猴者多矣幕府燕談

將軍主簿謂猪為長喙參軍羊為長髯主簿古今注

羶根有僧作蒸豚詩云若把羶根來比並羶根自合喫

藤條澗池筆談

一封大月氏出一封橐駝注脊上有一封封高也若封
土然前漢

果然果然獸名揚州人取果然得一果然而數十果然
可得蓋果然不忍傷其類聚族而啼雖殺之不去也此
禽獸狀而人心薄俗有不如者果然大類猩猩國史補

黑衣郎猿也坡詩食荔支也到黑衣郎

烏金唐拱州人有畜猪致富號猪為烏金朝野僉載

伊尼佛書謂鹿為伊尼般若經世尊三十二相第八相

名雙牀織圖如延鹿王

胸臆音蠢潤唐以山南西道開州盛山郡改為胸臆郡

以其地多胸臆蟲劉禹錫云胸臆蚯蚓也常至夜江畔

出其身半跳於空中而鳴上音屈下音忍韓文序注

古旃北虜有尼師都生四子一子化為鴻遂委三子謂

爾可從古旃古旃牛也三子因隨古旃所糞悉成乳酪

西陽雜俎

盤瓠高辛氏宮中有老婦耳疾耳中得物似瓠盛之以

盤覆之有頃化為一犬因名之後漢

牛形狗聲獸名似牛而狗聲食禽獸逢忠信之人齧而

食之逢奸邪之人則捕禽獸以餉之神異經

猪頭犬腹犀形如牛猪頭犬腹鹿脚三蹄黑色三角一

在鼻上一在額上鼻上為食角小而不墮

馱芻劉景升有千斤大牛馱芻豆十倍於常牛負重致

遠不如羸犗晉書

飼乳王濟性好侈帝常幸其第供饌甚豐蒸豚尤美上

問其故對曰以人乳飼之上食未畢而去晉傳

褐衣缺口蒙恬筮筮者曰今日之獲不角不牙衣褐之

徒缺口而長鬚八竅而跌居毛穎傳

白望青曹漢茂陵少年李亨好馳俊狗有白望青曹之

名西京雜記

東郭窺戰國策云韓子盧者天下之疾犬也東郭窺者

海內之狡兔也韓子盧東郭窺環山者三騰山者五兔

殛於前犬斃於後兩俱傷

韓盧宋狻毛穎傳云東郭貌與韓盧爭能盧不及怒宋

狻謀而殺之狻音鵠宋國之良犬也

駭雞犀通天犀中有一點白理如線者置米其上以飼

雞雞見驚却者名駭雞犀刻為魚形持入水輒自開亦

名離水犀抱朴子

明駝世傳明駝千里脚鳴當作明謂駝臥屈足腹不着

地而漏明最能行遠酉陽雜俎

駝峯杜詩紫駝之峯出翠金曲良翰善駝峯炙門見饌食

巫峽三聲巴東三峽猿長鳴至三聲聞者莫不垂淚荆出

記州

類仁類義凡卿費用羔羔有角而不用類仁執之不鳴

殺之不謗類死義者飲乳必跪類知禮者故卿以為贊

春秋繁露

性淫性卑南史卞彬為禽獸決錄云羊性淫而狼猪性

卑而率鵝性頑而傲狗性儉而屈皆指斥貴勢本傳

遼東白頭遼東有豕生而白頭異以獻之行至河東見

群豕皆白懷慚而還浮傳詩有豕白蹄丞涉波矣

魯津伯符子曰洛朔人有獻燕相大豕令宰夫膳之豕

乃見夢於相曰造化營我以豕形仗君之靈而化始得

為魯津伯

錦繡萬花谷前集卷之三十七

卷之三十七

前

